



Sindikata Uprave za indirektno/neizravno oporezivanje

Синдикат Управе за индиректно опорезивање

Broj: 77 / 3 – 02 / 21

Sarajevo, 25.02.2021. godine

KABINET DIREKTORA UINO

N/r Direktora

PREDMET: Primjena Metodologije za raspoređivanje zaposlenog unutar platnog razreda po kriteriju sticanja stručnih i naučnih zvanja, traži se

Poštovani Direktore,

aktom pomoćnika direktora Sektora za poslovne usluge, broj 01-02-2-145-3/21 od 17.02.2021. godine od rukovodilaca osnovnih organizacionih jedinica u Središnjem uredu UINO traženo je da utvrde ispunjenost uslova za primjenu **kriterija: sticanja stručnih i naučnih zvanja** iz oblasti koja potpada pod osnovnu djelatnost Uprave za indirektno-neizravno oporezivanje BiH, za napredovanje zaposlenih unutar platnog razreda. Navedeni kriterij, sukladno članu 4. stav (1) tačka d) i članu 6. stav (5), tačke od a) do d) Metodologije za raspoređivanje zaposlenog unutar platnog razreda („Službeni glasnik BiH“, broj 6/12 i 76/20) definiše napredovanje zaposlenog u viši unutarnji platni razred, nakon sticanja jednog višeg stepena stručnih ili naučnih zvanja iz oblasti koja potpada pod osnovnu djelatnost institucije.

Na 15. sjednici Upravnog odbora Sindikata UINO održanoj 24.02.2021. godine u Sarajevu, između ostalog raspravljano je i o navedenom aktu kojim je „prebačena odgovornost“ na rukovodioce brojnih organizacionih jedinica da vrše ocjenu ispunjenosti navedenog kriterija. Sindikat UINO je mišljenja da se na ovaj način neće postići jednoobraznost u ocjenjivanju ispunjenosti kriterija: sticanje stručnih i naučnih zvanja, odnosno vrlo lako se može desiti da je osnov ispunjenja ovog kriterija prihvaćen u jednom regionalnom centru, dok u drugom nije (iako se radi o istovjetnoj situaciji), a što može dovesti do nezadovoljstva, ne samo zaposlenih na koje se predmetna situacija odnosi, nego i do općeg nezadovoljstva Sindikata i zaposlenih u UINO.

Svjedoci smo da na pojedinim radnim mjestima u UINO imamo veliki broj zaposlenih sa stručnim i naučnim zvanjima koja ne potpadaju pod osnovnu djelatnost UINO kao institucije BiH, od kojih izdvajamo viša stručna i naučna zvanja iz oblasti: poljoprivrede, geologije, građevinarstva, rudarstva, saobraćaja, zaštite na radu, tjelesnog odgoja, prosvjete, turizma, sportskih menadžera i drugih zvanja iz oblasti. Pogrešna ili prisna ocjena ovakvih stručnih zvanja će dovesti do nezadovoljstva zaposlenih u UINO ako se nejednoobrazno i sukladno važećim provedbenim propisima ne izvrši ispravna primjena ovog kriterija.

S tim u vezi Sindikata UINO predlaže da formirate stručnu Komisiju, u čijem sastavu bi bio i jedan predstavnik imenovan od strane Sindikata, a koja bi izvršila finalnu ocjenu ispunjenosti kriterija: sticanje stručnih i naučnih zvanja, čime bi se postigla jednoobraznost na nivou institucije UINO.

Također, u svrhe transparentnosti, Sindikat UINO traži spisak unaprijeđenih u više platne razrede po ovom kriteriju, prije njegovog finaliziranja i konačne primjene.

S poštovanjem,



PREDSJEDNICA SINDIKATA

Mrnja v a c